



Luster kommune

Landbruk og naturforvaltning

26.05.2021

Høgskulen på Vestlandet

Arkivsak: 21/857-4
Løpenr.: 21/8958
Sakshandsamar:
Aina-Elise Stokkenes

Svar-søknad om installasjon av værstasjon på Nigardsbreen

Me viser til søknad, og e-post korrespondanse. Det vert med dette gjeve melding om at rådmann har teke slik avgjerd i d-sak 221/21:

Med heimel i naturmangfaldslova § 48 får Høgskulen i Vestland løyve til å setje opp værstasjon, men målepunkt på Nigardsbreen i Nigardsbreen naturreservat. Løyvet gjeld etablering av værstasjonen ved massebalanse stake N600 på 600 meters høgde, og 5 einkle sensorar plassert mellom værstasjonen og fjellsida.

Med heime i naturmangfaldslova § 48 og motorferdsellova § 6 får Høgskulen i Vestland løyve til inntil 2 helikopterlanding til tiltaket over, eitt i mai/juni 2021 og eitt i august/september 2025.

Vilkår:

- Grunna endringar av is og rennande vatn, kan tiltaka tilpassast gjennom sesongen.**
- Tiltak som ikkje er i bruk grunna endringar skal fjernast.**
- Ved ende av prosjektet skal alle materialar fjernast frå verneområdet**
- Helikoptertransporten skal tilpassast slik at det er til minst mogleg sjenanse for andre brukarar i området. - Helikoptertransporten skal varslast på førehand til kommunen (SMS: Runar Hatlevoll 991 53 603).**

De har rett til å klaga på vedtaket. Kлага må vere skriftleg og sett fram innan 3 veker frå De har motteke melding om vedtaket. Vi viser til vedlagde orientering.

Med helsing

Aina-Elise Stokkenes
rådgjevar
tlf.:57 68 55 84

Dokumentet er elektronisk godkjent og har difor ikkje underskrift.

Kopi til:

POSTADRESSE:
Luster kommune
Postboks 77
6866 Gaupne

TELEFON:
Sentralbord:
57 68 55 00

E-POST ADRESSE:
postmottak@luster.kommune.no

ORGANISASJONSNR.
964 968 241
Bankgiro:
3785.07.00142

SNO Jostedalsbreen, Att: Anne Rudsengen,
Jostedalsbreen nasjonalparkstyre, v/Tor Arne Hauge,
Landbruk og naturforvaltning, Runar Hatlevoll

Luster kommune
Delegert vedtak

Utval som skal ha melding om vedtak:
Plan- og forvaltningsutvalet

Vedtaksdato:
05.05.2021

Svar-søknad om installasjon av værstasjon på Nigardsbreen

Arkivsak:
21/857

Sakshandsamar:
Aina-Elise Stokkenes

Arkivkode:
K12

SAMANDRAG:

Delegert mynde er gjeve i delegasjonsreglementet, kommunestyret sak 10/17.

Sak: 221/21.

Saksutgreiing

Fakta:


I samband med JOSTICE prosjektet har Høgskulen i Vestland (seinare omtalt som søkjar) søkt om å setje opp værstasjon på Nigardsbreen i Nigardsbreen naturreservat i slutten av mai/byrjing av juni 2021.

Søkjar skriv at værstasjonen skal plasserast ved massebalanse stake N600 på 600 meters høgde (sjå kartet under). Dette vil gje eit overblikk over værforhalda på tvers av dalen.

I tillegg søker ein om å supplere med 5 einkle sensorar plassert mellom værstasjonen og fjellsida. Alle desse sensorane skal stå på isen (sjå kart).

Ein kjem til å feste tripoden til værstasjonen med store isskruar, men den er i utgangspunktet veldig stabil, då den vektast nedover av eit 50 kg tungt batteri i midten. Ein av målesensorane skal borast 10 meter ned i isen, men holet vert ikkje synleg på overflata. Dei 5 mindre værsensorane installerast på stakar som vert bora ned i isen lik massebalansestakane som allereie står på ulike stadar på breen.

Søkjar skriv at i utgangspunktet er det ynskjeleg at alle installasjonane vert ståande inntil seinsommaren (august-september 2025), men at det er mogleg at prosjektet vil fjerne dei tidlegare dersom plasseringa ikkje er ideell for dei datane som ein ynskjer å samle inn.



Lovgrunnlaget:

Tiltaket er regulert av verneforskrifta: Forskrift om vern for Nigardsbreen naturreservat, Luster kommune, Sogn og Fjordane av 12.07.1985 nr 1477.

For dispensasjonsaker som ikkje er spesifikt omtala i forskrifta gjeld Lov om forvaltning av naturens mangfold av 19.06.2009 nr 100. (naturmangfaldlova, nml)

I vurderinga skal miljørettsprinsippa, nml § 8-12 vera med.

Vurdering:

Som for så mykje anna, medførte Covid-19 situasjonen at planlagt feltaktivitet i 2020 for HVL og JOSTICE-prosjektet vart utsett i sin heilskap. Prosjektet har søkt Forskningsrådet, og fått innvilga, utviding av prosjektet slik at det også vil vare inn i 2024.

Forvaltinga av verneområder vurderar tiltaket til å vera av vesentleg verdi for samfunnet, og verneformålet jf §3 og §8 i verneforskrifta då tiltaket vil bidra til å forstå utviklinga til isbreen, og dens påverknadar.

Miljørettsprinsippa, jf. naturmangfaldlova § 7 er vurderte slik:

§ 8 om kunnskapsgrunnlaget og § 9 om føre - var - prinsippet: Forvaltningsplanar, artsdatabanken og naturbasen er nytta som kunnskapskjelder. Med dette kjem føre - var - prinsippet ikkje til bruk. §10 om økosystemtilnærming og samla belastning: Helikopter er eit skånsamt framkomstmiddel i utmark, den samla belastninga av helikopteraktivitet på økosystemet i dette området er relativt beskjeden. Mengde installasjonar for vitenskaplege førmål er avgrensa og vert vurdert til å tene kunnskapsgrunnlaget for verneområdet. § 11 om at kostnadene ved at miljøverdiar taper seg skal berast av søkjar: Punktet vert vurdert å ikkje vera relevant i denne saka. §12 om miljøforsvarlege teknikkar og driftsmetodar: Helikopter er eit miljøforsvarleg alternativ fordi det ikkje etterlet seg spor i naturen, og medfører berre ei kortvarig uroing for naturmangfaldet. Utstyrt og materialar som vert nytta er av tilsvarande kvalitet som andre aktørar i området nyttar og er å rekna som gode.

Vedtak:

Med heimel i naturmangfaldslova § 48 får Høgskulen i Vestland løyve til å setje opp værstasjon, men målepunkt på Nigardsbreen i Nigardsbreen naturreservat. Løyvet gjeld etablering av værstasjonen ved massebalanse stake N600 på 600 meters høgde, og 5 einkle sensorar plassert mellom værstasjonen og fjellsida.

Med heime i naturmangfaldslova § 48 og motorferdsellova § 6 får Høgskulen i Vestland løyve til inntil 2 helikopterlanding til tiltaket over, eitt i mai/juni 2021 og eitt i august/september 2025.

Vilkår:

- Grunna endringar av is og rennande vatn, kan tiltaka tilpassast gjennom sesongen.
- Tiltak som ikkje er i bruk grunna endringar skal fjernast.
- Ved ende av prosjektet skal alle materialar fjernast frå verneområdet
- Helikoptertransporten skal tilpassast slik at det er til minst mogleg sjananse for andre brukarar i området. - Helikoptertransporten skal varslast på førehand til kommunen (SMS: Runar Hatlevoll 991 53 603).

Jarle Skartun
Rådmann

LUSTER KOMMUNE, Landbruk og naturforvaltning
Gaupne, den 26.05.2021

Aina-Elise Stokkenes
rådgjevar

Avsender:
Luster kommune
Postboks 77
6866 GAUPNE

Melding om rett til å klaga over forvaltningsvedtak

(Forvaltningslova §27 tredje ledd og fjerde ledd)

Mottakar Høgskulen på Vestlandet	Dato 05.05.2021	Klageinstans Statsforvaltaren i Vestland Statens hus Njøsavegen 2 6863 Leikanger
--	---------------------------	---

Denne meldinga gir viktige opplysningar dersom De ynskjer å klaga over vedtak De har fått underretning om.

Klagerett	De har rett til å klaga over vedtaket.
Kven kan De klaga til	Klagen skal først sendast til avsendaren av denne meldinga. Dersom dette organet ikkje endrar vedtaket som fylgje av klagen, vil han bli sendt vidare til klageinstansen for avgjerd. Dersom vedtaket er fatta av kommunale eller fylkeskommunale organ, er klageinstansen kommunestyret eller fylkestinget, eller det organ desse har bestemt. Dersom vedtaket er fatta av kommunestyret eller fylkestinget, er klageinstansen kommunaldepartementet eller det organ det har gitt mynde til.
Klagefrist	Klagefristen er 3 veker frå den dag dette brevet kom fram. Det er tilstrekkeleg at klagen er postlagd innan fristen går ut. Dersom De klagar så seint at det kan vere uklart for oss om De har klaga i rett tid, ber vi Dykk oppgi når denne meldinga kom fram. Dersom klagen blir send for seint, er det adgang til å sjå bort frå den. Om De har særleg grunn til det, kan De likevel søkje om å få forlenga klagefristen. De bør då i tilfelle nemne grunnen til utsettinga.
Rett til å krevje grunngjeving	Dersom De ikkje allereie har fått grunngjeving for vedtaket, kan De setja fram krav om å få det. Slikt krav må setjast fram i løpet av klagefristen. Klagefristen blir i så fall avbroten, og ny frist startar frå det tidspunkt De mottok grunngjevinga.
Klagen sitt innhald	Klagen skal nemna det vedtak det vert klaga over, og den eller dei endringar som De ynskjer. De bør nemna Dykkar grunngjeving for å klaga og evnt. andre opplysningar som kan ha noko å seia for vurderinga av klagen. Klagen må underskrivast.
Utsetjing av vedtaket	Sjølv om De har klagerett, kan vedtaket vanlegvis gjennomførast straks. De har imidlertid adgang til å søkja om å få utsett iverksettinga av vedtaket inntil klagefristen er ute eller klagen er avgjort.
Rett til å sjå saka sine dokument og til å krevja rettleiing	Med visse avgrensningar har De rett til å sjå dokumenta i saka. De må i tilfelle vende Dykk til det forvaltningsorgan som har sendt denne meldinga. Der kan De også få nærare rettleiing om adgangen til å klage og om reglane for handsaminga elles.
Kostnader ved klagesaka	De kan søkja om å få dekt utgifter til naudsynt advokatbistand etter reglane om fritt rettsråd. Her gjeld imidlertid normalt visse inntekts- og formuegrenser. Statsforvaltaren sitt kontor eller vedkommande advokat kan gi nærare rettleiing. Det er også særskild adgang til å krevja dekning for vesentlege kostnader i samband med klagesaka, t.d. til advokatbistand. Dersom vedtaket er blitt endra til gunst for ein part, er det også adgang til å søkja dekning for vesentlege kostnader i samband med saka. Klageinstansen vil om naudsynt orientera Dykk om retten til å krevja slik dekning for sakskostnader.
Klage til Sivilombudsmannen	Det er også mogeleg å klaga til Stortinget sin ombudsmann for forvaltningen (Sivilombudsmannen). Sivilombudsmannen har ikkje adgang til å handsama saker som er avgjort av Kongen i statsråd. Dersom De no får Dykkar klage avgjort i statsråd fordi Kongen er klageinstans, kan De difor ikkje seinare bringa saka inn for Sivilombudsmannen.

Særlege opplysningar

